

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



三. 十行 – 夜摩天宮

佛昇夜摩天宮自在品

夜摩天宮菩薩說偈品

功德華聚菩薩十行品

十無盡藏品



華嚴經佛昇夜摩天宮自在品之迎佛寶莊嚴殿

合會因果	爾時，如來威神力故，十方一切諸佛世界、諸四天下一一閻浮提，皆有如來坐菩提樹下，無不顯現。彼諸菩薩各承佛神力，說種種法，皆悉自謂在於佛所。爾時，世尊威神力故，不離道樹及帝釋宮，向夜摩天寶莊嚴殿。	
然未得自在故百萬人未圓滿 (已入聖位故俱菩薩眾迎佛天王化寶座十萬莊嚴)	時，彼天王遙見佛來，即於殿上敷蓮華藏寶師子座；十萬種寶以為莊嚴；十萬寶帳，彌覆其上；十萬寶網，以為瑠璃；次上十萬眾妙寶蓋，	
	又復十萬天諸華蓋、天繒、雜寶，以為垂帶；	
	十萬瓔珞而莊嚴之；十萬寶衣以敷其上；	
	十萬天子在前立侍；十萬梵天而圍遶之；	
	十萬菩薩在前讚歎；十萬光明以為照耀；	
	十萬妓樂自然演出；十萬正法娛樂音聲；	
	十萬善根妙相顯現；十萬如來威神護持；	
	十萬功德藏而長養之；十萬三昧而嚴淨之；	
	十萬願藏以為清淨；十萬奇特未曾有法勝相顯出；	
	十萬妙法而現在前；十萬自在處處普現；	
迎佛入殿	時，彼天王莊嚴寶蓮華藏師子座已，合掌恭敬白佛言：善來世尊！唯願哀愍處此宮殿。	
十方同入	時，佛受請，即昇寶殿，一切十方夜摩天宮，亦復如是。	
憶念說讚	爾時，天王無量音樂寂然無聲，即自憶念過去佛所所種善根，以偈頌曰：	
往昔十行位十佛	佛	名稱如來聞十方，諸吉祥中最無上，來入摩尼莊嚴殿，是故此處最吉祥。
	法	寶王如來世間燈，諸吉祥中最無上，來入甘露上味殿，是故此處最吉祥。
	僧	喜王如來慧無量，諸吉祥中最無上，來入雜寶莊嚴殿，是故此處最吉祥。
	精進	慧眼如來世間燈，諸吉祥中最無上，來入殊特最勝殿，是故此處最吉祥。
	禪定	饒益如來義無量，諸吉祥中最無上，來入清淨寶山殿，是故此處最吉祥。
	般若	無師如來世間尊，諸吉祥中最無上，來入微妙寶香殿，是故此處最吉祥。
	方便	天人中尊世間燈，諸吉祥中最無上，來入輕微妙香殿，是故此處最吉祥。
	願	無去如來論師子，諸吉祥中最無上，來入明淨普眼殿，是故此處最吉祥。
	力	分別如來功德持，諸吉祥中最無上，來入娛樂莊嚴殿，是故此處最吉祥。
	智	苦行如來利世間，諸吉祥中最無上，來入等色普照殿，是故此處最吉祥。
十方同入	如此間夜摩天王，佛神力故，憶念過去諸等正覺，以偈讚歎。如是十方一切世界夜摩天王，各自憶念過去佛所所種善根，以偈讚歎，亦復如是。	
	爾時，世尊昇其寶殿，寶蓮華藏師子座上結跏趺坐。	
	爾時，寶殿忽然廣博猶如夜摩天處，十方世界亦復如是。	